


土岐文庫
文庫17
W83
4



15

20

25

文庫 17
W83
4

010185194189

昭和六十年二月一日
吉慶氏寄贈

宋詩別裁卷七

姚培謙述齋

雲間張景星二銘點閱

王永祺補堂

五言排律

茶園十二韻

王禹偁

勤王修歲貢。晚駕過郊原。蔽芾餘千本。青葱共一園。牙新撐老葉。土軟迸新根。舌小



宋詩 卷七 五排

侔黃雀毛。猥摘綠猿出。蒸香更別入。焙火
微溫。採近桐華節。生無穀雨痕。緘勝防遠
道。進獻趨頭番。待破華胥夢。先經閻闔門。
汲泉鳴玉甃。開宴壓瑤罇。茂育知天意。甄
收荷主恩。沃心同直諫。苦口類嘉言。未復
金鑿名。年年奉至尊。

奉和御製契丹出境將議迴鑿五言

六韻詩

楊億

戎輅巡河右。天威龍鬼方。五營開細柳。立
令凜飛霜。氛祲消千里。聲明耀八荒。靈旗
風助順。黃道日呈祥。偃草邊關靜。迴鑿海
縣康。欣陪從臣末。歸蹕奏高驤。

到郡滿歲自遣

迢遞分符竹。因循度歲華。地將鯨海接。路
與鳳城賒。觸石雲頻起。銜山日易斜。潮平
聚漁市。木落見人家。吏隱偏知幸。民謠豈

敢誇無嫌勾漏僻且得養丹砂

次韵和盛博士寄贈虞部李郎中之

什

門牆日已峻德望闡然彰第草西垣詔身
爲南省郎。壇篋歡並奏龍虎儼成行宴客
牛心炙朝天鷄舌香曲池春漲水碧瓦曉
飛霜此景知何事留賓汎羽觴。

咸平六年二月十八日扈從宸遊因

成紀事二十二韵

步輦下明光鳴鞘山未央屬車多載酒夾
道競焚香雲管飄梅吹蜺旌錯鳥章從臣
沙苑馬衛士羽林槍玉輅天行健金壺盡
漏長光風汎蘭蕙仙霧拂旂常宿雨收林
薄晨曦艷屋梁問問空里卷旄鉞隘原莊
託乘奉珍使先驅執戟郎從橋初轉轂憑
軾見垂裳暫駐時龍馭前臨戲馬場由來

講武事所以服遐荒電影流磯石鷗羣發
 大黃是日御講武臺觀干鈞寧覺重七札
 豈曾妨卒勇如彪虎人觀若堵墻腰鞬晉
 元師扈蹕漢諸王聊用誇胡客還聞鼙鼓
 方廻輿百里圍錫宴九霞觴射以騶虞節
 歌為白雪倡仙山鯨海上御苑斗城旁周
 鑄歡鹿鹿虞韶集鳳凰瑤池春水綠猶誤
 濯滄浪

受詔修書述懷感事三十韻

太極垂裳日中原偃革初樓舫秋發詠衡
 石夜程書好問虛前席徵賢走傳車蓬來
 侔漢制煨燼訪秦餘紬繹資金匱規模出
 玉除紛紛綸開四部祕家遂接千廬飶賜雙鷄
 膳親廻六尺輿華芝下問闔白羽捲儲胥
 望氣成龍虎披文辯魯魚清光無咫尺立
 覽亦躊躇羣彥揮鉛筆微生盪石渠積康

直懶慢謝客本空疎講學情田垌談經腹
 筭虛月評依許劭文體慕相如雅飲歡娛
 洽清言鄙怯祛彌旬容出沐終日喜羣居
 撫已慙鳴玉歸田憶荷鋤池籠養魚鳥章
 服裏猿狙園府愁尸祿天闕媿裝裾虛名
 同鄭璞散質類莊樗國士誰知我隣家或
 侮予放懷齊拍馬屏息度羲舒實婦宜憂
 緯三公亦灌蔬危心惟穀鯨直道忍邁蔭

往聖容巢許先儒美富貴晨趨嘆勞止夕
 惕念歸與秦痔踈杯酒顏瓢賴半儲如諧
 曲肱臥猶可直釣漁矯矯龜銜印翩翩隼
 書旛一麾終遂志阮籍去馳驅

別墅

錢惟演

別館斗城傍斜軒映曲房蒼頭冠綵幘中
 婦織流黃複道登平樂期門集未央意錢
 梁冀宅挾瑟莫愁堂走馬章臺柳停車陌

上桑穀弓隨寶帳投轄付銀牀出戴繁星
急歸衝細雨忙曾過阿君宿醉舞起跳梁

曹太尉西師

石延年

仁者雖無敵王師尚存征獨乘金甌馬都
領鐵林兵肅氣關河暮屯烟部落晴旗光
秋燒去甲色夜江橫士喜擊中鼓虜疑聞
後鉦無私乃時雨不殺是天聲
撫堂堂彼自傾寒逾博望塞春燕隗豈城

外使戎心伏旁資帝道平公還如畫像為
贊學狂心

成地海棠繁媚有思加臆幹豐條苒
弱可愛北方所未見諸公作詩流播
西人余素好玩不能自默然所道皆
在前人陳迹中如國風申章亦無愧

云

宋 初

蜀國天餘煦珍葩地所宜濃芳不隱葉併

艷欲然枝。展綵分羣。萼均霞點。萬蕤回文。
 錦成後夾。煎煉烘時。蜂蕊迎銜。客鶯稍向。
 坐危淺深。雙絕態啼笑。兩妍姿。絳節排烟。
 竦丹缸。落帶垂童容。鄣畏薄便面。到憂遲。
 媚日。能徐照。喧風肯。遽吹。蜀少疾風。惜觀
 當晚。晚留恨。付離披。麗極都無比。繁多僅。
 自持損香。饒麝和。照影欠。瑤池畫。要精作。
 色歌。須巧。騁辭。舉尊頻語客。細摘玩芳期。

九日侍宴太清樓

薦九標佳節。中天駐翠輿。晨光清複道。秋
 色偏儲胥。畦稻霜成後。宮橙露飽初。省收
 行步玉。拜賜儼華裾。皇帝臨視。刈種宣許
訖並賜。益 曼衍來長樂。鴟夷下屬車。帝韶
稻新米 儀瑞鷗。玉藻躍恩魚。靈霧供披拂。涼風助
 掃除。高陽寒葉外。仙蕪泛花餘。寒人子。聲。
 鴈歡留酒。算徐神池。元不浪。溫樹未曾疎。

宋詩
 卷七
 六

帝眷憑秋稼。臣心仰夏渠。承平將樂事。併入史臣書。

和晏相公九日郡宴

令序凝秋籥。歡遊駐使軒。行觴酒籌密。踏節舞鞞翻。榴熟丹房鮮。與香紫粒繁。風頭獵輕慘。日脚送斜暄。鏤管新篇逸。轉運學士即席詩吹花舊俗存。請為丞相壽。長久慶調元。

獻百花洲圖上陳州晏相公

范仲淹

穰下勝游少。此洲聊入詩。百花爭窈窕。一水自漣漪。潔白憐翹鷺。優游羨戲龜。闌干紅屈曲。亭宇碧參差。倒影澄坡底。橫烟落照時。月明魚競躍。春靜柳閒垂。萬竹排霜仗。千荷卷翠旗。菊分潭上近。菊花潭在郡之西郊因有菊潭門復有菊潭鎮近取菊植于梅比漢洲中洲有高臺遂命之曰菊臺南遲京洛而南至鄧始有梅比漢岸鵲依人喜。

宋詩

卷七

八

汀鷗不我疑。綵絲穿石節。

襄陽開舊俗正月二十二日土

女游河頭小石通中者羅襪踏青期素髮用綵線穿之帶以為常

頻來醉滄浪。減去思。步隨芳草。遠歌逐畫

舡。移繒寫求真。賞緘藏獻。已知相君。功肯

愛家有鳳凰也。

送謝希深學士北使 歐陽修

漢使入幽燕。風烟兩國間。山河持節遠。亭

障出疆閑。征馬聞笳曙。離弓向月彎。禦寒

低便面。贈客解刀環。鼓角雲中壘。牛羊雪

外山。穹廬鳴朔吹。凍酒發朱顏。塞草生侵

蹟。春榆綠滿關。應須鴈北向。方值使南還。

初至夷陵答蘇子美見寄

三峽倚蒼莢。同遷地最遙。物華雖可愛。鄉

思獨無聊。江水流青嶂。猿聲在碧霄。野篁

抽夏筍。叢橘長春條。未臘梅先發。經霜葉

不凋。江雲愁蔽日。山霧晦連朝。斫谷爭收

宋詩

卷七 五排

九

漆梯林鬪摘椒。巴賓船賈集蠻市。酒旗招時節。同荆俗。民風載楚謠。俚歌成調笑。擦鬼聚喧囂。夷陵之俗多淫奔。又好祠祭。每遇祠時。里民數百共餞。其餘里語謂之擦鬼。因得罪宜投裔包羞。分拆腰光。此多成鬪訟。陰催宴歲牢。落慘驚飈。白髮新年出。朱顏異域銷。縣樓朝見虎。官舍夜聞鴞。寄信無秋鴈。思歸望斗杓。須知千里夢。長繞洛陽橋。

明堂慶成

辰火天文次。臯門路寢闕。奉親昭孝德。惟帝饗精誠。禮以三年講。時因萬物成。九筵嚴太室。六變導和聲。象魏中天起。風雷大號行。歡呼響山岳。流澤浹根莖。寶墨飛雲動。金文耀日晶。從臣才力薄。無以頌休明。

羣玉殿賜宴

至治臻無事。豐年樂有成。圖書開秘府。宴

卷二五非

飲集羣英。論道皇墳。奧貽謀寶。訓明九重。
多暇豫。八體極研精。筆力千鈞勁。毫端萬
象生。飛牋金灑落。拜賜玉鏘鳴。盛際崇儒
學。愚臣濫寵榮。惟能同舞獸。聞樂識和聲。

下直呈同行三公

午漏聲初轉。歸鞍路偶同。天清黃道日。街
闊綠槐風。萬國舟車會。中天象魏雄。戢戈
清四海。論道屬三公。自愧陪臣彥。從來但

樸忠時。平容竊祿。歲晚嘆衰翁。買地淮山
北。垂竿潁水東。稻梁雖可戀。吾志在冥鴻。

東閣雨中

直閣時偷暇。幽懷坐獨哦。綠苔人迹少。黃
葉雨聲多。雲結愁陰重。風傳禁漏過。瑤圖
新嗣聖。玉塞久包戈。相府文書簡。豐年氣
候和。還將鳳池句。聊雜野人歌。

早赴府學釋奠

羽籥興東序。春秋紀上丁。行祠漢丞相。學禮魯諸生。俎豆兼三代。樽罍奠兩楹。霧中槐市暗。日出杏壇明。昔齒公卿貴。嘗聞絃誦聲。何須向闕里。首善本西京。

和劉原父從幸後苑觀稻呈經筵諸

公

禁蘗皇居接香畦。鑊檻邊分渠自靈沼種。稻滿漈田六穀名居首。三農政所先。擢莖

蒙德茂。養實以時堅。曉謁龍墀罷。行瞻鳳蓋翩。粹客知喜色。嘉瑞奏豐年。衰病慙經學。陪遊與俊賢。安知帝力及。但樂歲功全。拜賜秋風裏。分行黼座前。自憐臺笠叟。來綴侍臣篇。

翠旌詩

盛禮郊儀肅。絕音帝樂清。葳蕤飄翠羽。赫奕展華旌。鳳邸光交覆。鸞旗色共明。繽紛

拂。葩。蓋。輝。映。雜。綵。纓。且。異。文。竿。飾。非。同。翽。
舞。名。竹。宮。歌。必。祀。雅。曲。播。聲。遺。

和王正仲熙寧郊祀二十韵

劉放

駿。命。膺。長。發。鴻。圖。本。慎。徽。八。方。星。拱。極。四。
海。日。升。暉。舊。典。增。咸。秩。彌。文。示。表。微。聖。時。
均。玉。燭。天。統。正。璿。璣。南。極。迎。陽。復。陰。泉。候。
氣。歸。積。高。常。眷。頌。昭。孝。每。無。違。羽。衛。夾。雙。

闕。和。鑿。並。六。飛。風。霆。齊。命。令。龍。虎。會。旗。旂。
帳。殿。層。城。暮。金。波。列。宿。稀。嚴。更。虛。夜。鼙。彫。
輦。下。彤。闈。廣。樂。千。人。唱。升。烟。萬。日。晞。眾。神。
知。受。記。象。物。競。來。依。陟。降。兼。明。察。圓。方。比。
範。園。送。音。仍。鸞。異。福。想。霏。霏。霈。澤。蘇。羣。
動。春。陽。暢。壻。扉。慶。深。周。揭。厲。感。極。致。獻。歛。
多。士。參。鳴。玉。微。生。側。早。衣。肅。雍。瞻。帝。武。奉。
引。近。天。威。儒。館。鶴。鸞。舊。長。謠。錦。繡。輝。因。知。

子雲賦何足頌魏魏

寄鄆州邵資政

蒙問敝邑山水之景見索新詩重責之辱

謹吟二百字上寄

曾鞏

鉛筆讐書客。宋轡守土臣。素餐方側席。黃髮已侵巾。喜有山圍郭。仍憐水滿津。清華閑耳目。蕭灑長精神。秀色秋來重。寒聲雨後新。宿雲依戶牖。流月過松筠。北園分殊境。西湖斷俗塵。渚花紅四出。沙鳥翠相親。

英老含珠寶魚驚躍錦鱗飛梁凌百步虛
樹壓齋淪嶺對橫修竹洲分抱白蘋靜宜
人事拙閑覺道腴直器小難周物官微幸
庇身簿書偷暇日杖屨想幽人沂險飛游
艇探竒樣釣緜形縻甘鶴怨心泰得鷗馴
督府恩容久芳牋訊問頻門庭嚴衛戟尊
俎從華紳却從烟霞興還思水石鄰自嗤
田父樂那可薦鴻鈞

宋詩

卷七 五排

古

大饗明堂慶成

王珪

皇祐更秋律。明堂奉帝禋。燦盛雖薦德。霜露本懷親。於赫朝三后。無人秩百神。九筮交玉幣。重屋近星辰。邃幄留飈御。清壇墮月津。衣冠漢儀舊。金石舜韶新。受祚開宣室。鳴鐘降紫宸。羣陰光復旦。叶氣斗迴春。靈貺叢千祀。豐恩滲四垠。慙非老辭筆。徒學煥堯文。

雙廟

王安石

兩公天下駿。無地與騰驤。就死得處所。至今猶耿光。中原擅兵革。昔日幾侯王。此獨身如在。誰令國不亡。北風吹樹急。西日照廳涼。志士千年淚。冷然落奠觴。

送鄆州知府宋諫議

盛世千齡合。宗功四海瞻。天心初籲俊。雲翼首離潛。德望完圭角。儀形壯陛簾。徐鳴

蒼玉佩。盡校碧牙籤。綸掖清光注。鑿坡茂
 渥露。文明誠得主。政煥尚煩。右府參機
 務。東塗贊景炎。廟謨資石畫。兵略倚珠鈐。
 坐鎮均勞逸。齋居養智恬。謳謠喧井邑。惠
 化穆蒼黔。進律朝章舊。疏恩物議僉。通班
 三殿邃。徙部十城兼。由甫周之翰。龜蒙魯
 所居。地靈奎宿照。野沃汶河漸。首路龍旗
 盛。提封虎節嚴。賜衣纒紫艾。衛甲綴朱綬。
 海。谷。穆。文。省。谿。堂。燕。豆。添。班。春。回。紺。幃。問
 俗。考。彤。禕。舟。楫。商。巖。命。熊。罷。渭。水。占。治。裝
 行。入。觀。金。鼎。重。調。鹽。

郊祀慶成

蘇軾

帝出乘昌運。天心予太平。文章三代繼。制
 作七年成。大祀乾坤合。剛辰日月明。泰壇
 朝掃地。魄寶夜垂精。仰御圓蒼蓋。環觀海
 岳城。北流吞朔易。西極落攬槍。升爇靈光

答迴鸞瑞霧迎。需雲徧枯槁。鮮雨達勾萌。
可頌非天德。因箴亦下情。民言知可酌。帝
謂本無聲。富國由崇儉。新年在好生。無心
斯格物。克已自消兵。化國安新政。孤臣返
舊耕。還將清廟什。留與野人賡。

趙德麟餞飲湖上舟中對月

老守惜春意。主人留客情。官餘閒日月。湖
上好清明。新火發茶乳。溫風散粥餠。酒闌

紅杏開。日落大堤平。清夜除燈坐。孤舟擘
坼撐。逮君情未墮。對此月猶橫。

城南縣尉水亭得長字

兩尉鬱相望。東南百步塲。揮旗蒲柳市。伐
鼓水雲鄉。已作觀魚檻。仍開射鴨堂。全家
依畫舫。極目亂紅粧。歛歛波頭細。疎疎雨
脚長。我來閑濯足。溪漲欲浮床。澤國山圍
裡。孤城水影傍。欲知歸路處。葦外記風檣。

自礬溪往陽平憩于麻田青峰寺之

下院翠麓亭

不到峯前寺。空來滑上林。此亭聊可喜。脩
徑豈辭捫。谷映朱欄秀。山含古木尊。路窮
驚石斷。林缺見河奔。馬因嘶青草。僧留薦
晚飧。我來秋日午。早久石牀溫。安得雲如
蓋。能令雨瀉盆。共看山下稻。涼葉晚翻翻。

同王勝之遊蔣山

到郡席不煖。居民空惘然。好山無十里。遺
恨恐他年。欲歎南朝寺。同登北郭船。朱門
收畫戟。紺宇出青蓮。夾路蒼髯古。迎人翠
麓偏。龍腰蟠故國。鳥爪寄層巔。山有鳥爪竹
杪飛華屋。松根泣細泉。峰多巧障日。江遠
欲浮天。略約橋橫秋水浮屠插。莫烟歸
來踏人影。雲細月娟娟。

東觀讀未見書

黃庭堅

漢規羣王府。東觀近宸居。詔許無雙士。來
 觀未見書。皇文開萬卷。家學陋三餘。竹帛
 森延閣。星辰繞直廬。諸生起孤賤。天子自
 吹噓。願以多聞力。論思補帝裾。

欵塞來享

前朝夏州守。來欵塞門西。聖主敷文德。降
 書付狄韞。瓊裘瞻日月。勢面帶金犀。殿陛
 閑千羽。邊亭息鼓鼙。永輪量谷馬。不作觸

藩羝聲勢常相倚今聞定五溪

德清道中還寄子瞻 秦觀

投曉理竿棹。溪行耳目醒。蟲魚各蕭散。雲
 日共晶熒。水荇重深翠。烟山疊亂青。路回
 逢短榜。崖斷點孤翎。叢薄開羅帳。淪漪寫
 鏡屏。疎籬窺窈窕。支港泛苓箬。遠淑依微
 見。哀猿斷續聽。夢長天杳杳。人遠樹冥冥。
 旅思搖風旆。歸期數月螢。何時燃密炬。復

聽閣前鈴

擬郡學試東風解凍

寶歷開新歲。春回斗柄凍。漪生天際水。凍解日邊風。浩陽依蘋起。慢尋帶雪融。江河霜練靜。池沼玉奩空。魚藻雍容裏。雲霄俯仰中。更無舟楫礙。從此百川通。

道中書事

陳與義

臨老傷行役。盤躐歲月奔。客愁無處避。世

事不堪論。白道含秋色。青山帶雨痕。壞梁斜開水。喬木密藏村。易破還家夢。難招去國魂。一身從白首。隨意答乾坤。

晚晴野望

洞庭微雨後。涼氣入綸巾。水底歸雲亂。蘆叢返照新。遙汀橫薄暮。獨鳥度長津。兵甲無歸日。江湖送老身。悠悠只倚杖。悄悄自傷神。天意蒼茫裏。村醪亦醉人。

天詩

長七五排

二

秋雨排悶

陸游

今夏久無雨。從秋却少晴。空濛迷遠望。瀟
 瑟送寒聲。衣潤香偏著。書蒸蠹欲生。壞簷
 聞瓦墮。漲水見堤平。溝溢池魚出。天低塞
 鴈征。螢飛明闇滅。蛙鬧雜疎更。藥醖時須
 焙。舟閑任自橫。未憂荒楚菊。直恐敗吳杭。
 夜永燈相守。愁深酒細傾。溪雲會消散。鼓
 笛賽西城。

過大蓬嶺度繩橋至杜秀才山莊

度筓臨千仞。梯山躡半空。濕雲朝莫雨。陰
 壑古今風。耳觀參差見。闌干詰曲通。柳空
 叢篠出。松偃翠蘿蒙。負籠銀釵女。鉏畬鶴
 髮翁。何由有餘俸。小築此山中。

冬日出遊十韻

吳會寒常薄。冬深略未冰。荒郊觀雉鬪。大
 澤見魚騰。釣艇頻容借。籃輿漸可乘。有時

穿密篠。隨處倚枯藤。金石秦遺刻。衣冠禹
舊陵。叢祠祈臘雪。小市試春燈。問路鉏耒
叟。爭橋乞供僧。踈狂違俗久。衰疾與年增。
干祿雖知恥。懸車愧未能。階官有微俸。醉
髮任鬢鬢。

宋詩別裁卷八

姚培謙述齋

雲間張景星二銘點閱

王永禎補堂

五言絕

出守桐廬道中

范仲淹

素心愛雲水。此日東南行。笑解塵纓處。滄
浪無限情。

宋詩
卷八
滄浪清可愛。白鳥鑑中飛。不信有京洛。風塵化客衣。

夜夜曲

歐陽修

浮雲吐明月。流影玉階陰。千里雖共照。安知夜夜心。

自菩提步月歸廣化寺

春巖瀑泉響。夜久山已寂。明月淨松林。千峰同一色。

晚過水北

寒川消積雪。凍浦暫通流。日暮人歸盡。沙禽上釣舟。

遠山

山色無遠近。看山終日行。峰巒隨處改。行客不知名。

和俞聖俞杏花

誰道梅花早。殘年豈是春。何如艷風日。獨

自占芳辰。

和聖俞百花洲

野岼溪幾曲松蹊穿翠陰不知芳渚遠但
愛綠荷深。

雨後回文

劉敞

綠水池光冷青苔砌色寒竹深啼鳥亂庭
暗落花殘。

曉霽

司馬光

夢覺繁聲絕林光透隙來開門驚鳥鳥餘
滴墮蒼苔。

題齊安壁

王安石

日淨山如染風暄草欲熏梅殘數點雪麥
漲一溪雲。

再題南澗樓

北山雲漠漠南澗水悠悠去此非吾願臨
分更上樓。

南浦

南浦隨花去。迴舟路已迷。暗香無覓處。日落畫橋西。

溝港

溝港重重柳。山坡處處梅。小輿穿麥過。狹徑礙桑回。

梅花

牆角數枝梅。凌寒獨自開。遙知不是雪。為有暗香來。

江上

江水漾西風。江花脫晚紅。離情被橫笛吹。過亂山東。

秣陵道中

經世才難就。田園路欲迷。慙慙將白髮。下馬照青溪。

雜詠

證聖南朝寺。三年到百回。不知墻下路。今日幾荷開。

桃李石城塢。餉田三月時。紫荊常自閉。花發少人知。

蓼嶼

文同

孤嶼紅蓼深。清波照寒影。時有雙鷺飛。來作佳景。

望雲樓

巴山樓之東。秦嶺樓之北。樓上捲簾時。滿樓雲一色。

露香亭

宿露蒙曉花。婀娜清香發。隨風入懷袖。累日不消歇。

溪光亭

橫湖決餘波。灑灑瀉寒溜。日影上高林。清光動船牖。

來詩

卷八 五絕

五

遺老齋

蘇轍

久無叩門聲。啄啄問何故。田中有人至。昨夜盈尺雨。

西村

郭祥正

遠近皆僧刹。西村八九家。得魚無賣處。沽酒入蘆花。

客兒亭

翻經人已去。誰為立幽亭。一望野雪白。半

藏山骨青。

翠樾堂

深堂待游客。老木競留春。花發多臨水。雲開始見人。

夢中得此

秦觀

縞帶橫秋匣。寒流炯暮堂。風塵如未息。持此奉君王。

詠雪

傅察

宋詩
都城十日雪。庭戶皓已盈。呼兒試輕掃。留伴小牕明。

凡上人名所乘舟曰釣月菴。求詩爲賦。

昔人釣忘餌。今師釣忘釣。靜夜江不湍。孤光送歸舟。

春日

崔鷗

落日不可盡。丹林紫谷開。明明遠色裏。懸

歷。暝鴉回。

出山

陳與義

山空樵斧響。隔嶺有人家。日落潭照樹。川明風動花。

入山

都。迷。去。時。路。策。杖。烟。漫。漫。微。雨。洗。春。色。諸。峰。生。晚。寒。

題友人書後

曹勛

宋詩
卷八
客子得秋涼。壯懷亦增慨。求念故人遠。三
湘渺滄海。

早行

劉子翬

村鷄已報晨曉。月漸無色。行人馬上去。殘
燈照空驛。

梅花絕句

陸游

低空銀一鈎。糝野玉三尺。愁絕水邊花。無
人問消息。

梅花

春信今年早。江頭昨夜寒。已教清徹骨。更
向月中看。

物外雜題

粉蝶臨江渚。朱橋枕市樓。長吟策小蹇。又
度一年秋。

柳橋晚眺

小浦聞魚躍。橫林待鶴歸。閒雲不成雨。故

傍碧山飛

雪情欲出而路溥未通戲作

欲覓溪頭路春泥不可行歸來小牕下袖
手看新晴

西寮

朱子

畚田種胡麻結草寄林樾珍重無心人寒
棲弄明月

野牧園

張孝祥

吳牛三十角久與牧相忘勿憶淮南路春
風滿柘岡

秋晚稻生孫催科不到門人閑牛亦樂隨
意過前邨

春晚

葛天民

向晚一鳩鳴道人春睡足無處寫幽懷巡
檐數修竹

有所思

葉茵

宋詩

卷八

九

仰天有所思。心遠目苦短。因風驅殘雲。千里月華滿。

閏九

嚴粲

前月登高去。猶嫌菊未黃。秋風不相負。特地再重陽。

沽酒

利登

有錢但沽酒。莫買南山田。勾引催租人。驚散清松烟。

春日

雨過苔猶溼。風來戶半開。閑花忽落盡。啼鳥自飛來。

頌梅

張道洽

到處皆詩境。隨時有物華。應酬都不暇。一領是梅花。

壘外

朱繼芳

鹿飛不到處。山色入芒屨。乘興一長吟。回

五絕

宋詩

卷八

頭已忘句

江上

俞桂

江頭雲閣雨，柳色與春深。
舡發春風阻，誰知客子心。

寄江南故人

家鉞翁

曾向錢唐住，聞鶻憶蜀鄉。
不知今夕夢，到蜀到錢唐。

溪上

羅公升

往歲貪竒覽，今年遂考槃。
門前溪一髮，我作五湖看。

送縣使絕句

梁楚連天濶，江湖接海浮。
故人相憶夜，風雨定何州。

七言絕

泛吳松江

王禹偁

葦蓬疎薄漏斜陽，半日孤吟未過江。
惟有

宋詩

卷八 七絕

宋詩 卷八 十一
鷺鷥知我意時時翹足對船牕

春居雜興

兩株桃杏映籬斜
粧點商山副使家
何事春風容不得
和鶯吹折數枝花

尋隱者不遇

魏野

尋真誤入蓬萊島
香風不動松花老
採芝何處未歸來
白雲滿地無人掃

書孤山隱居壁

林逋

山木未深猿鳥少
此生猶擬別移居
直過天竺溪流上
獨樹爲橋卜結廬

皇帝閣春帖子詞

宋祁

望春臺下春先到
獵獵青旗倚漢宮
水自北涯生煖溜
花從東面受和風

泥溪驛中作

嘉陵江自大散關與子相別二十餘程至泥溪借

子去因有是作

石介

山驛蕭條酒倦傾
嘉陵相背去無情
臨流

宋詩 卷八 五
不忍輕相別。吟聽潺湲坐。到明

豐樂亭遊春

歐陽修

紅樹青山日欲斜。長郊草色綠無涯。遊人
不管春將老。來往庭前踏落花。

田家

綠桑高下映平川。賽罷田神笑語喧。林外
鳴鳩春雨歇。屋頭初日杏花繁。

行次壽州寄內

紫金山下水長流。嘗記當年此共遊。今夜
南風吹客夢。清淮明月照孤舟。

春日詞

宮壇青栢賽牛回。玉琯東風逗曉來。不待
蕙梅傳遠信。剪刀先放綵花開。
試粉東牕待曉迴。共尋春柳傍香臺。不驚
樹裏禽初變。共喜釵頭燕已來。
紅霧初開上曉霞。共驚風色變年華。香車

遙認春雷響庭雪先開玉樹花

鴈

來時砂磧已冰霜飛過江南木葉黃水濶
天低雲暗澹朔風吹起自成行

夏意

蘇舜欽

別院深深夏簾清石榴開遍透簾明樹陰
滿地日卓午夢覺流鶯時一聲

絕句

春陰垂野草青青時有幽花一樹明曉泊
孤舟古祠下滿川風雨看潮生

絕句

劉攽

青苔滿地初晴後綠樹無人晝晝餘惟有
南風舊相識徑開門戶又翻書

閑居

司馬光

故人通貴絕相過門外真堪置雀羅我已
幽慵鐘更懶雨來春草一番多

初夏即事

王安石

石梁茅屋有書碕。流水澌澌度兩陂。晴日暖風生麥氣。綠陰幽草勝花時。

自定林到西菴

午鷄聲不到禪林。栢子烟中靜擁衾。忽憶西巖道人語。杖藜乘興得幽尋。

北山

北山輸綠漲橫陂。直壑回塘滌滌時。細數

落花因坐久。緩尋芳草得歸遲。

出郊

川原一片綠交加。深樹冥冥不見花。風日有情無處著。初迴光景到桑麻。

悟真院

野水從橫激屋除。午牕殘夢鳥相呼。春風日日吹香草。山北山南路欲無。

書湖陰先生壁

宋詩

苑簷長掃靜無苔。花木成畦手自栽。一水護田將綠繞。兩山排闥送青來。

金陵即事

水際柴門一半開。小橋分路入青苔。背人照影無窮柳。隔屋吹香併是梅。

和張仲通憶鍾陵

一夢章江已十年。故人重見想皤然。祇應兩岸當時柳。能到春來尚可憐。

鍾山即事

澗水無聲繞竹流。西花草弄春柔。茅簷相對坐終日。一鳥不鳴山更幽。

遊鍾山

兩山松櫟暗朱藤。一水中間勝武陵。午梵隔雲知有寺。夕陽歸去不逢僧。

城北

青青千里亂春袍。宿雨催紅出小桃。回首

宋詩

卷八七絕

北城無限思。日酣川淨野雲高。

次吳氏女子

吳氏詩云西風不入小

意秋氣應憐我憶家極目江南千里恨依然和淚看黃花南朝九日臺在孫陵曲街旁去吾園只數百步

孫陵西曲岸烏紗知汝淒涼正憶家人世
豈能無聚散亦逢佳節且看花。

天童山溪上

溪水清連樹老蒼行穿溪樹踏春陽溪深

樹密無人處惟有幽花渡水香。

惠崇春江曉景

蘇軾

竹外桃花三兩枝春江水暖鴨先知
蒹葭滿地蘆芽短正是河豚欲上時

金山夢中作

江東賈客木綿裘會散金山月滿樓
夜半潮來風又烈即吹簫管到揚州。

澄邁驛通潮閣

宋詩

卷八七絕

倦客愁聞歸路遙。眼明飛閣俯長橋。貪看
白鷺橫秋浦。不覺青林沒晚潮。
餘生欲老海南村。帝遣巫陽招我魂。杳杳
天低鶻沒處。青山一髮是中原。

望海樓晚景

青山斷處塔層層。隔岸人家喚欲應。江上
秋風晚來急。為傳鐘鼓到西興。

唐道人言天目山上俯視雷雨每大

雷電但聞雲中如嬰兒聲殊不聞雷
震也

已外浮名更外身。區區雷電若爲神。山頭
只有嬰兒看無限。人間失筋人。

六月二十七日望湖樓醉書

黑雲翻墨未遮山。白雨跳珠亂入船。卷地
風來忽吹散。望湖樓下水如天。
放生魚鼈逐人來。無主荷花到處開。水枕

能令山俯仰風船解與月徘徊。

少年時嘗過一村院見壁上有詩云
夜涼疑有雨院靜似無僧不知何人
作也宿黃州禪智寺寺僧皆不在夜
半雨作尚記此詩故作一絕

佛燈漸暗饑鼠出山雨忽來修竹鳴知是
何人舊詩句已應知我此時情。

和孔密州東欄梨花

梨花淡白柳深青柳絮飛時花滿城惆悵
東欄一株雪人生看得幾清明。

海棠

東風嫋嫋汎崇光香霧霏霏月轉廊只恐
夜深花睡去高烧銀燭照紅粧。

書李世南所畫秋景

野水參差落漲痕疎林欹倒出霜根扁舟
一棹歸何處家在江南黃葉村。

宋詩

飲湖上初晴復雨

水光瀲灩晴方好。山色空濛雨亦奇。欲把西湖比西子。淡粧濃抹總相宜。

垂虹亭

米芾

斷雲一葉洞庭颿。玉破鱸魚霜破柑。好作新詩寄桑苧。垂虹秋色滿東南。

訪隱者

郭祥正

一徑松崖踏蒼壁。半塢寒雲抱泉石。山翁

酒熟不出門。殘花滿地無行迹。

秋意題邢敦夫扇 秦觀

月圓新碾瀹花蘂。飲罷呼兒課楚詞。風定

小軒無落葉。青蟲相對吐秋絲。

納涼

携杖來追柳外涼。畫橋南畔倚胡床。月明船笛參差起。風定池蓮自在香。

刊溝

宋詩

卷八十七

霜落邗溝積水清。寒星無數傍船明。菰蒲
深處疑無地。忽有人家笑語聲。

赴廣陵道中

晁補之

急鼓鼙。下泗州。却瞻金塔在中流。帆開
朝日。初生處。船轉春山欲盡頭。

戲留次哀三十三弟 晁冲之

白下春泥尚未乾。汴流更待小潺湲。不知
汝定成行不。寒食今無數日間。

絕句

張耒

亭亭畫舸繫春潭。直待行人酒半酣。不管
烟波與風雨。戴將離恨過江南。

小放歌行

陳師道

春風永巷閉娉婷。長使青樓誤得名。不借
捲簾通一顧。怕君着眼未分明。

二月十五日朝拜建隆橋上偶作

鄒浩

宋詩

卷八十七

二

宋詩
卷八
三
單衣迎犯曉風清。半柄回南月尚明。柳密
行人看不見輪蹄。相屬但聞聲。

代葛亞卿作

韓駒

君住江濱起畫樓。妾居海角送潮頭。潮中
有妾相思淚。流到樓前更不流。

次韻林冲和筠莊

李彌遜

登登重重兩岸山。鈎連秀色上琅玕。孤亭
四壁面烟雨。人與白鷗分暮寒。

春日

晁冲之

陰陰溪曲綠交加。小雨翻萍上淺沙。鴉鴨
不知春去盡。爭隨流水趁桃花。

清明

陳與義

卷地風拋市井聲。病扶危坐了清明。一簾
晚日看收盡。楊柳微風百媚生。

春日

朝來庭樹有鳴禽。紅綠扶春上遠林。忽有

好詩生眼底。安排句法已難尋。

和翁秘監彥深喜

程俱

朝來喜氣溢層霄。側聽封人共祝堯。密雪

正應歌九扈。疾雷先已破三苗。

時初殄
畦冠

即看新綠歸千畝。還見陳紅積九年。使覺

雨暘如有意。不須花草苦爭妍。

春晚

朱松

梅子生仁柳絮催。春風塵迹只蒼苔。繁華

一。夢年年。事長是。初鶯為喚回。

客路歸來芳節闌。杖藜隨處小盤桓。危紅

數點藏深綠。須作春風爛漫看。

雙平道中

朱棹

二溪春漲午晴初。日透波光綠浸裾。却憶

孤山山下路。石橋清澈看叉魚。

八直召對選德殿。賜茶而退

周必大

宋詩
卷八
三
絲槐夾道集昏鴉。敕使傳宣坐賜茶。歸到
玉堂清不寐。月鈎初上紫薇花。

緩帶軒獨坐

范成大

午日烘開葺蕊苞。簷塵飛動雀爭巢。蒙
困眼無安處。閑送爐烟到竹梢。

題畫卷

鑿落秋江水石明。高楓老柳兩灘橫。君看
疊嶽雲容變。又有中宵雨意生。

題開元天寶遺事

御前羯鼓透春空。笑覺花奴手未工。一曲
打開紅杏蕊。須知天子是天公。
謝蠻舞袖貴妃絃。秦國如花號國妍。不賞
纏頭三白萬。阿姨何處費金錢。

橫塘

南浦春來綠一川。石橋朱塔兩依然。年年
送客橫塘路。細雨垂楊繫畫船。

次韵周輔道中

陸游

山靈喜我馬蹄聲。正用此時秋雨晴。日淡
風斜江上路。蘆花也似柳花輕。

花時遍遊諸家園

看花南陌復東阡。曉露初乾日正妍。走馬
碧雞坊裏去。市人喚作海棠顛。
爲愛名花抵死狂。只愁風日損紅芳。綠章
夜奏通明殿。乞借春陰護海棠。

絲絲紅萼弄春柔。不似疎梅只慣愁。常恐
夜寒花索寞。錦茵銀燭按涼州。

飛花盡逐五更風。不照先生社酒中。輸與
新來雙燕子。銜泥猶得帶殘紅。
今年二月二日社而
海棠已過

楚城

江上荒城猿鳥悲。隔江便是屈原祠。一千
五百年間事。只有灘聲似舊時。

夜讀呂化光文章拋盡愛功名之句
戲作

玉關西望氣橫秋肯信功名不自由却是
文章差得力至今知有呂衡州

梨花

開向春殘不恨遲綠楊空地最相宜征西

幕府煎茶地一幅邊鸞畫折枝宣司靜鎮
堂屏上有

白邊鸞
梨花

粉淡香清白一家未容桃李占年華常思
南鄭清明路醉裏迎風雪一杖

春遊絕句

一百五十春郊行三十六溪春水生千秋
觀裏逢急雨射的峰前看晚晴自秦望山
而北合二

十六溪水
為若耶溪

舍北望水鄉風物戲作絕句

西風沙際矯輕鷗落日橋邊繫釣舟乞與

畫工圖扇本青林紅樹一川秋

三峽歌

十二巫山見九峰。船頭彩翠滿秋空。朝雲暮雨渾虛語。一夜猿啼明月中。

我遊南賓春莫時。蜀舡曾繫挂猿枝。雲迷江岸屈原塔。花落空山夏禹祠。

題搨本姜楚公鷹

弓面霜寒斗力增。坐思鐵馬蹴河冰。海東

俊鷗何由得空看。綿州舊見重鷹。

秋思

桑竹成陰不見門。牛羊分路各歸村。前山雨過雲無跡。別浦潮回岸有痕。

雪後晚晴四山皆青。惟東山全白。賦最愛東山晴後雪。絕句。

楊萬里

只知逐勝忽忘寒。小立春風夕照間。最愛

東山晴後雪。軟紅光裏湧銀山。

遊定林寺即荆公讀書處

鍾山已在萬山深。更在鍾山入定林。穿盡
松杉行盡石。一庵猶隔白雲岑。

水口行舟

朱子

昨夜扁舟雨一簑。滿江風浪夜如何。今朝
試卷孤蓬看。依舊青山綠樹多。
鬱鬱層巒夾岸青。春山綠水去無聲。烟波

一棹如何許。鷓鴣兩山相對鳴。

喜雨呈安國

張栻

懸知雨意未渠已。一夜簷聲到枕間。曉上
高樓望雲氣。勢龍千丈起西山。

從呂揚州覓芍藥栽

揚州風物故依然。夢想他時楚水邊。乞與
靈根歸自種。梢頭繭栗看新年。

初夏偶書

宋詩 卷八 七絕 三
江潭四月熟梅天。頃刻陰晴遞變遷。掃地
焚香清晝永。一牕修竹正森然。

遷入新居後客至偶成

汪莘

方壺客去偃雲孫。槐柳陰陰日自長。睡起
不知天早晚。問人山頂是斜陽。

賞春

周文璞

滿酌黃封都市酒。斜簪綠帶御園花。半酣

更乞跳珠水。獨對風爐自煮茶。

江村晚眺

戴復古

江頭落日照平沙。潮退漁舫閣岸斜。白鳥
一雙臨水立。見人驚起入蘆花。

蚤作

黃大受

星光欲沒曉光連。霞暈紅浮一角天。乾盡
小園花上露。日痕恰恰到牕前。

宮詞

武衍

宋詩
江西
卷八
梨花風動玉蘭香，春色沉沉鎖建章。惟有
落紅官不禁，儘教飛舞出宮牆。

武夷山中

謝枋得

十年無夢得還家，獨立青峰野水涯。天地
寂寥山雨歇，幾生修得到梅花。

